



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-33-19962/23
Sarajevo, 09.05.2023. godine

SKUPŠTINA KANTONA SARAJEVO

PREDMET : Odgovor na zastupničko pitanje – dostavlja se

Zastupnik Selmanović Faruk, na Petoj radnoj sjednici Skupštine Kantona Sarajevo, održanoj dana 24.03.2022. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo uputio je slijedeće pitanje Ministarstvu zdravstva Kantona Sarajevo:

Na protokol Kantona Sarajevo zaprimljen je dopis na upoznavanje, broj 193/2022 od 08.11.2022 godine, koji je upućen na ruke ministra zdravstva gosp. Harisa Vranića.

Na dopis koji je upućen od strane Saveza ratnih vojnih invalida KS do danas nikad nije odgovoreno. Također isti dopis je upućen na ruke direktorice ortopedске куће OTTO BOCK d.o.o. Sarajevo, na koji također nikad nije odgovoreno.

U dopisu Saveza ratnih vojnih invalida se navodi da je dana 11.03.2022. godine održan sastanak sa ortopedskom kućom OTTO BOCK d.o.o. Sarajevo, na kojem je dogovoreno da se uradi donacija za dva visokokvalitetna i sofisticirana ortopedска pomagala, podlakatna proteza ruke i nadkoljena proteza noge, te da se pošalju imena i prezimena za proteze. U dopisu iz Saveza ratnih vojnih invalida navode da su na portalu javnih nabavki Ministarstva zdravstva koji je objavljen 14.10.2022. godine, vidjeli da je ortopedска кућа OTTO BOCK tu donaciju fakturisala Ministarstvu zdravstva KS. S obzirom da se radilo o većoj sumi novca a radilo se samo o dvije proteze, poslali su dopis u kojem traže odgovor na ruke ministra Vranića.

Zahtjevam da me hitno kao zastupnika informišete i izvršite analizu, kao i usmjereni inspeksijski nadzor da li se radi o donaciji ili ne.

Ako se ne radi o donaciji, kako je moguće da je ova ortopedска кућа direktno kontaktirala Savez, jer je moralo ići na tender? Koliko je isplaćeno sredstava iz Ministarstva zdravstva, ako nije bila donacija? Koje su sve ortopedске куће dobile sredstva iz Ministarstva zdravstva i koliko je dobila ortopedска кућа OTTO BOCK u zadnje dvije godine?

U vezi sa upućenim zastupničkim pitanjem dostavljamo sljedeći

ODGOVOR

Poštovani,

Ministarstvo zdravstva Kantona Sarajevo je dana 03.08.2022. godine, objavilo javnu nabavku "Nabavka zdravstvenog zbrinjavanja osoba sa invaliditetom-protetička opskrba" broj obavještenja: 1332-1-1-19-3-11/22 na portalu javnih nabavki. Navedena nabavka je provedena putem otvorenog postupka, za koju su planirana i osigurana budžetska sredstva za 2022 godinu.

Tendersku dokumentaciju i tehničke specifikacije za nabavku Ministarstva zdravstva izradila je Komisija za provođenje postupka javne nabavke poštujući odredbe Zakona o javnim nabavkama, a koju su činila stručna lica zbog specifičnosti nabavke. Također Ministarstvo zdravstva Kantona Sarajevo je u ovom postupku imalo i predstavnika **Ureda za borbu protiv korupcije i upravljanje kvalitetom Kantona Sarajevo, expert: Lana Cokoja.**

Tenderska dokumentacija je bila na raspolaganju potencijalnim ponuđačima duže od roka propisanog Zakonom o javnim nabavkama za ovu vrstu nabavke, (član 40. stav (3) a u vezi sa članom 41. stav (3) Zakona o javnim nabavkama), te u datom roku nije bilo postavljenih pitanja a niti žalbi od strane potencijalnih ponuđača.

Do krajnjeg roka za dostavu ponuda zaprimljena je samo jedna ponuda, i to ponuđača IDS ZDRAVA SREDINA d.o.o, koja je ocijenjena kao formalno pravno ispravna, u skladu sa zahtjevima iz tenderske dokumentacije i u okviru procijenjene vrijednosti, što je rezultiralo dodjelom ugovora istom, shodno članu 69. stav (1) tačka a) Zakona.

Napominjemo da je ugovorni organ prilikom provedbe predmetne nabavke poštujući opće principe Zakona o javnim nabavkama, naročito princip transparentnosti i osiguranja pravične i aktivne konkurencije, na što ukazuje činjenica da je za isti proveden otvoreni postupak, da je tenderska dokumentacija bila dovoljno vremena na raspolaganju potencijalnim ponuđačima u skladu sa Zakonom. S druge strane tokom cijelog postupka nabavke nije bilo nikakvih pitanja potencijalnih ponuđača, a niti osporavanja zakonitosti iste, koja bi ukazivala na eventualne nepravilnosti, diskriminaciju i pogodovanje određenom ponuđaču, a koje postupanje je suprotno Zakonu o javnim nabavkama.

Nadalje, Ministarstvo zdravstva Kantona Sarajevo je na osnovu provedenog postupka javne nabavke za protetičke opskrbe raspisalo Javni poziv dana 07.10.2022 za dodjelu protetičkih sredstava u svrhu zdravstvenog zbrinjavanja osoba sa invaliditetom, **na web stranici Ministarstva zdravstva Kantona Sarajevo, isto je bilo dostupno i vidljivo svim korisnicima ortopedskih pomagala sa područja Kantona Sarajevo.**

Predmet Javnog poziva je bila dodjela Protetičkih sredstava i to: **3 (tri)** Mikroprocesorski kontrolisana koljena i **2 (dvije)** Mioelektrične kontrolisane i višestruko zglobne ručne proteze, sa kontrolorom mioelektrične proteze, uz radnu šaku koja je kompatibilna sa kontrolorom mioelektrične proteze, u svrhu zdravstvenog zbrinjavanja osoba sa invaliditetom sa područja Kantona Sarajevo – osobe sa amputiranim dijelovima tijela (amputacija podlaktice i natkoljena amputacija). Pravo učešća po ovom javnom pozivu za dodjelu protetičkih sredstava u svrhu zdravstvenog zbrinjavanja osoba sa invaliditetom, **ostvarivala su sva fizička lica sa područja Kantona Sarajevo**, a koja imaju utvrđenu dijagnozu jednostrane amputacije gornjeg ekstremiteta, ili jednostrane amputacije donjeg ekstremiteta, ili obostrane amputacije gornjeg ekstremiteta, ili



web: <http://mz.ks.gov.ba>

e-mail: mz@mz.ks.gov.ba

Tel: + 387 (0) 33 562-104, Fax: + 387 (0) 33 562-243

Sarajevo, Reisa Džemaludina Čauševića 1

obostrane amputacije donjih ekstremiteta, ili jednostrane amputacije gornjeg i jednostrane amputacije donjeg ekstremiteta.

Na navedeni Javni poziv pristiglo je ukupno 5 prijava, nakon čega je stručna komisija dala prijedlog ministru za dodjelu ortopedskih pomagala/ protetičkih sredstava osobama koje ispunjavaju kriterije tražene javnim pozivom.

Također, rang lista osoba sa invalidetom koje su dobile navedena ortopetska pomagala je objavljena na web stranici Ministarstva zdravstva Kantona Sarajevo, te **nije** bilo žalbi na dodijeljene proteze.

Predmetni postupak je bio i predmet redovne kontrole interne revizije od strane Ministarstva finansija Kantona Sarajevo- Interna revizija- na temu Upravljanje javnim nabavkama u Ministarstvu zdravstva Kantona Sarajevo u 2022. godini, na koji ista u pogledu postupanja u skladu sa Zakonom o javnim nabavkama nije imala primjedbi.

Ortopetska kuća OTTO BOCK d.o.o. Sarajevo nije učestvovala u navedenom postupku javne nabavke te kao ministarstvo nemamo apsolutno nikakvih saznanja o kojoj eventualnoj donaciji proteza se radi Savezu ratnih vojnih invalida od strane OTTO BOCK d.o.o. Sarajevo.

U odnosu na „navode“ da je Ministarstvu zdravstva ortopedska kuća OTTO BOCK d.o.o. fakturisala nabavku gore navedenih proteza, ističemo da nikakva sredstva od strane Ministarstva zdravstva nisu uplaćena navedenoj ortopedskoj kući po osnovu navedene nabavke, jer navedena ortopetska kuća nije učestvovala u predmetnom postupku Javne nabavke.

Još jednom naglašavamo da je Ministarstvo zdravstva provelo javni i transparentni postupak javne nabavke, gdje je tendersku dokumentaciju preuzelo (11) jedanaest punuđača koji su imali mogućnost da tokom postupka postavljaju pitanja, da izjave žalbu na tehničke specifikacije, ali od potencijalnih ponuđača se niko nije žalio da je diskriminiran, tako da je Komisija za javnu nabavku Ministarstva zdravstva poslije provedenog postupka nabavke dala preporuku da se Ugovor zaključi sa jedinom prispjelom formalno pravno ispravnom ponudom i to ponuđača IDS ZDRAVA SREDINA.

Dovođenje u vezu postupanja Ministarstva zdravstva kao ugovornog organa u konkretnom postupku sa navodima opisanim u zastupničkom pitanju Ministarstvo zdravstva kategorički odbacuje.

Za sva dodatna pitanja i informacije, stojimo na raspolaganju

S poštovanjem,

Dostavljeno:

1. Naslovu
2. Ministarstvo zdravstva Kantona Sarajevo

